

զիս՝ գտանել կամիս յինէն: 33 Կա՛ց ուր եւ կամիս, բայց ի գործոյ կաթողիկոսութեանդ հեռի ես, եւ չէ քո»:

34 Եւ լուեալ զայս սրբոյ կաթողիկոսին Զայոց Գիւտայ՝ մասամբ միով ուրախացաւ, եւ միւսով եւս մասամբ տրտմեցաւ մինչեւ ի մահ. քանզի լուեալ, թէ ի գործոյն¹ ի բաց եղեւ՝ ուրախացաւ, հանգչելով ի զբաւսանաց աշխարհիս. եւ լուեալ, թէ ոչ կապանաց եւ հրաման ի թագաւորէն վասն Նորա եւ ոչ մահու, որում ցանկանայր ի բազում ժամանակաց, տենչայր լինել արժանի՝ խռովեալ տրտմէր անմխիթար վասն չպատահելոյ ցանկալի եւ մեծ խնդրոյն, որում փափագեալն էր² հասանել:

35 Կացեալ այնուհետեւ ի դրան ըստ իւրում կամելոյ սուրբ կաթողիկոսն Զայոց Գիւտ, բազում համարձակութեամբ պատուեալ, ոչ միայն ի քահանայիցն եւ ի քրիստոնէիցն, այլ եւ առաւել ի հեթանոսացն, որ իւրաքանչիւր ախտից գտանէին զբժշկութիւն³ յաղաթից սրբոյն. եւ այլք ի քրիստոնէիցն կողմանցն այնոցիկ ցանկանային ի սուրբ աջոյ առն Աստուծոյ գտանել ձեռնադրութիւն: 36 Յորոց զմանս ձեռնադրէր յեպիսկոպոսութիւն, եւ զայլս բազումս յաստիճան երիցութեան կարգէր: 37 Եւ այսպէս պատուեալ յամենեցունս՝ ուրախալից շքեղութեամբ հրաժարէր գնալ յաշխարհն Զայոց. աւրինեալ զամենեսեան յանձն առնէր Աստուծոյ, յուղի անկեալ գնայր յաշխարհն Զայոց: 38 Եւ կեցեալ առաւելապէս պատուովք քան զառաջինն ի Զայս՝ հանգչէր երկայն ծերութեամբ, եւ եղեալ ի դիրս հարց իւրոց խաղաղութեամբ ի գեաւղն, որ կոչի Ռդմսու գեաւղ, ի գաւառին Վանանդայ: 39 Եթող աւրինութեամբ զամենայն ժողովուրդն սուրբ եկեղեցեացս Զայոց:

ԿԵ. Եկեալ ի դրանէ եւ Մաղխազն Գաղիշոյ, եւ ժողովեալք առ Նա դասք ուրացողացն. որ թեպէտ եւ ուրախանային զառժամանակեայ թաղծալից ուրախութիւն կենցաղոյս՝ սակայն իբրեւ տեսանէին զՄամիկոնեանն Վահան այնպէս երեւելի յաճմունս⁴ բարւոյ համակեալ՝ ներկեալք⁵ խամրէին եւ ծնկեալք թարշամէին: 2 Խնդրէին ի վերայ Նորա հնարս պատճառանաց, որով զՆա եւ զեղբարս Նորա կորուսանել կարասցեն: 3 Տային գիտել մեծամեծաց դրանն, այլ էր ինչ որ եւ⁶ թագաւորին, թէ ոչ է հնար սմա առանց ապստամբութեան կալ⁷ ի Զայս: 4 Յիշեցուցանէին Արեաց եւ զՆախնեացն Նորա զմիոյ միոյ, թէ ո՛վ ի Նոցանէ ոչ խռովեցոյց զԱրեաց աշխարհ եւ ոչ արար մե-

1 ՏՏ. եթէ ի գործոյն

2 ՏՏ. որում փափաքէր

3 ՏՏ. բժշկութիւն

4 Կամ ըստ Ձ. յերեւելի աճմունս

5 Թերեւս՝ ներկեւեալք (Ն. Բ.)

6 ՏՏ. էր ինչ եւ որ

7 ՏՏ. կեալ. Ձ. Նախ՝ կեալ, ապա՝ եւ Ն քերած